



08-06-2018 NË EMËR TË POPULLIT

*GW*

GJYKATA THEMELORE NË FERIZAJ – Departamenti i Përgjithshëm – Divizioni Penal, në përbërje nga gjyqtari individual Mustaf Tahiri me procesmbajtësen Albënora Bekteshi, në çështjen penale kundër të pandehurit [REDACTED] nga Komuna Shtime, i akuzuar për shkak të veprës penale rrezikimi i trafikut publik nga neni 378 paragrafi 6 lidhur me paragafin 1 të KPRK-së, sipas aktakuzës me kërkesë për dhënien e urdhrit ndëshkimore të Prokurorisë Themelore në Ferizaj, të evidentuar si: PP/II.nr.1855-1/17 të datë 27 nëntor 2017, më 14 shkurt 2018 mori këtë:

### A K T G J Y K I M

PRANOHET aktakuza me kërkesë për shqiptimin e urdhrit ndëshkimore, e Prokurorisë Themelore në Ferizaj – Departamenti i Përgjithshëm, të evidentuar si: PP/II.nr.1885-1/17 ,të datë 27 nëntor 2017, dhe gjykata jep këtë:

### URDHËR NDËSHKIMOR

I pandehuri [REDACTED], i lindur më [REDACTED] nga i ati [REDACTED], nga Komuna Shtime, me vendbanim në fshatin [REDACTED], shqiptar, shtetas i Republikës së Kosovës, punëtor, ka të kryer shkollën e mesme, i gjendjes së mesme ekonomike, me numër personal [REDACTED].

### Ë S H T Ë F A J T O R

Sepse më datë 24 gusht 2017, rrëth orës 19:50, në rrugën e fshatit Belincë – Komuna Shtime, nga pakujdesia ka shkelur Ligjin Mbi Trafikun Publik, ka rrezikuar jetën e njerëzve, duke vepruar në kundërshtim me dispozitën e nenit 48 pikë 1 të Ligjit për Rregullat e Trafikut Rrugor, derisa

drejtonte automjetin transportues të markës "Mercedes 412 D", me targa të regjistrimit [REDACTED] [REDACTED] ngjyrë e kaltër, duke mos e përshtatë shpejtësinë e lëvizjes kushteve në rrugë, kalon në shiritin e kahjes së kundërt të komunikacionit dhe me pjesën e përparme të anës së majtë të automjetit, e godet në pjesën e përparme të anës së majtë automjetin e markës "Mercedes 211", me targa të regjistrimit [REDACTED] të cilën e drejtonte i dëmtuar [REDACTED], e cila qarkullonte në kahje të kundërt të drejimit, përvèç dëmeve në automjete, lëndime të lehta trupore me dëmtime të përkohshme të shëndetit, ka pësuar i dëmtuar [REDACTED] të përshkruara në ekspertizën mjeko ligjore të datës 17 nëntor 2017.

- me të cilin veprim ka kryer verën penale rrezikimi i trafikut publik, nga nen 378 paragrafi 6 lidhur me paragrin 1 të KPRK-së.

Andaj gjykata në bazë të dispozitës së lartë shënuar dhe bazuar në dispozitën e nenit 4,7,17,23,41,42,43, 46 dhe 73 të KPRK-së dhe nenit 378 paragrafi 6 lidhur me paragrin 1 të KPRK-së të pandehurin:

#### **G J Y K O N**

**DËNIM ME GJOBË** në shumë prej dyqind (200) euro, të cilin dënim është i obliguar që ta paguaj në afat prej tridhjetë (30) ditëve, nga dita e plotfuqishmërisë së këtij aktgjykimi.

Në rast se dënim me gjobë nuk mund të ekzekutohet as me detyrim sipas nenit 46 paragrafi 3 të KPRK-së, i njëjti do i shndërrohet në dënim burgimi, ashtu për çdo njëzet (20) € do t'i llogaritet një (1) ditë burgimi.

I dëmtuari [REDACTED] nga fshati [REDACTED] komuna Drenas, për realizimin e kërkesës pasurore-juridike udhëzohet në kontest civil

Obligohet i pandehuri që në emër të shpenzimeve të procedurës penale të paguaj shumën prej gjashtëdhjetë euro e tetëdhjetetë cent (60.88) €, paushallin gjyqësor në shumë prej njëzet (20) €, si dhe shumën prej tridhjetë (30) për programin për kompensimin e viktimave të krimtit në afat prej pesëmbëdhjetë (15) ditëve nga dita e plotfuqishmërisë së këtij aktgjykimi nën kanosjen e përmbarimit të detyruar.

#### A r s y e t i m i

Prokuroria Themelore në Ferizaj, me propozim akuzën PP/II.nr.1885-1/17 ,të datë 27 nëntor 2017, ka akuzuar të pandehurin [REDACTED] për shkak të veprës penale rrrezikimi i trafikut publik, nga neni 378 paragrafi 6 lidhur me paragafin 1 të KPRK-së, si dhe ka ushtruar kërkesë për dhënien e urdhrit ndëshkimor, me arsyetim se ka prova të besueshme nga kallëzimi penal dhe procedura hetimore që vërtetojnë kryerjen e kësaj vepre penale nga i pandehuri.

Gjykata me rastin e shqyrtimit paraprak të propozim akuzës dhe kërkesës për dhënien e urdhrit ndëshkimor gjeti se janë plotësuar kushtet ligjore për dhënien e urdhrit ndëshkimor në kuptim të nenit 495 paragrafi 1 të KPPRK-së.

Me rastin e vlerësimit të provave materiale të bashkangjitura si në shkresat e lëndës si: akt ekspertimin mjeko – ligjor të datë 17 nëntor 2017, mendimi dhe konstatimi i ekspertit të komunikacionit rrugorë të datë 12 nëntor 2017, fotografat nga vendi i ngjarjes dhe prova tjera që gjinden në shkresat e lëndës, konstatoj se këto prova janë bindëse dhe të bazuara dhe njëkohësisht vërtetojnë se i pandehuri ka kryer veprën penale për të cilën akuzohet, andaj gjykata të njëjtin e shpalli fajtor dhe i shqiptoj dënimin me gjobë.

Gjykata vlerëson se këto prova janë bindëse dhe të bazuara, të cilat vërtetojnë se në veprimet e të pandehurit ekzistojnë të gjitha elementet e veprës penale për të cilën akuzohet me aktakuzën e Prokurorit të Shtetit.

Konform nenit 463 paragrafi 2 të KPPRK-së, të dëmtuarin, për realizimin e kërkesës pasurore-juridike udhëzohen në kontest civil

Në bazë të nenit 450 të KPP-së, gjykata të akuzuari e obligoi që të paguaj shpenzimet e procedurës penale në shumë prej 60.88 €, si dhe të paguaj paushallin gjyqësor në shumë prej 20 €, si dhe konform nenit 39 par. 3 pika 3.1 të ligjit nr. 05/L-036 për Kompensimin e Viktimave të Krimit taksën në shumën prej 30 (tridhjetë) euro, të gjitha këto në afat prej 15 ditësh nga dita e plotfuqishmërisë së këtij aktgjykimi, nën kërcenim të përmbarimit me dhunë.

**GJYKATA THEMELORE FERIZAJ**  
**DEPARTAMENTI I PËRGJITHSHËM - DIVIZIONI PENAL**

P.nr. 3025/17


Datë: 14 shkurt 2018

Procesmbajtësja,

Albënora Bekteshi

Gjyqtari,

Mustaf Tahiri



**KËSHILLA JURIDIKE:** Kundër këtij aktgjykimi mund të ushtrohet kundërshtim, kësaj gjykate, në afat prej tetë (8) ditëve, nga dita e pranimit të këtij aktgjykimi.

*E. X. P  
1h. 2. 18  
4 | Faqe*